

SCRIPT OF MORNING GOJRI NEWS BULLETIN 12AUG 1015 HRS

ما رننگ گو جری نیو ز بلیٹن مو رخہ 12 اگست 2025

یوہ آکا شوانی جموں ہے محمد اکرم تیں خبر سُنو۔

CM DAIRY

وزیر اعلیٰ عمر عبداللہ نے گزشتہ روز جموں کشمیر مانہ دودھ گا کاروبار بارے بنیادی ڈھانچہ ترقیات سکیمور ایک اعلیٰ سطحی جائیزہ میٹنگ کی صدارت کی جس غو مقصد یو ٹی گا ڈیری شعبہ مانہ ایک مضبوط منظم تے عالمی سطح ور مسابقتی صنعت مانہ تبدیل کرنو ہے جائیزہ گے دوران وزیر اعلیٰ نے منظم دودھ کی طریقہ کار نانہ موجودہ 4 فی صد تیں بدا غے اگلا 7 براں مانہ کہٹ توں کہٹ 20 فی صد کرن گی فوری ضرورت ور زور دتو اس منصوبہ گے تحت 18 ضلعان سرینگر تے جموں نانہ چھوڑ گے 10 خود کار دودھ پروسیسنگ پلانٹ قائم کیا جنیں گا نال ہی دودھ جمع کرن تے ٹھنڈو کرن گی صلاحیت مانہ اضافو 1 سو دودھ گ جانچ کرن آلی لیبارٹریاں گی تشکیل تے 10 ہزار کساناں گی مالکیت آلی دودھ یکساں کرن گی ڈیری تشکیل کی جے گی۔

CM MASTER PLANS

وزیر اعلیٰ عمر عبداللہ نے کل جموں تے سرینگر گا دواں شہراں گے نال نال جموں کشمیر واسطے یونیفائیڈ بلڈنگ قانون گا ماسٹر پلین بارے جائیزو لین واسطے ایک میٹنگ غی صدارت کی میٹنگ مانہ جموں ماسٹر پلان 2023 سرینگر ماسٹر پلان 2035 تے یو بی بی ایل 2021 ور تفصیلی گل بات کیگئی وزیر اعلیٰ عم عبداللہ نے اس گل ور زور پایو کہ ماسٹر پلان حقیقت پسندانہ قابل عمل ت زمینی حقائق کی ماکس کرف گا طور ور موجود ہونو چاہیے بلکہ ناصرف ویزن دستاویز بننو چاہیے انہاں نے ہدایت کی کہ منصوباں مانہ تمام شراکت داری گا خیالات نانہ مد نظر رکھیو جانو چاہیے تے دواں شہراں گی نقافتی تے ماحولیاتی چناخت نانہ برقرار رکھتا واں ماحولیاتی طور ور پائیدار تے مستقل گی شہری للکاراں نال نمڑن گے قابل ہونو چاہیے۔

SHAH AMARNATH

مرکزی وزیر داخلہ امت شاہ نے شری امرناتھ جی یاتری 2025 گا کامیاب انعقاد ور اطمینان گو اظہار کیو ایک سوشل میڈیا پیغام مانہ جناب شاہ نے کہیو کہ اس سال شری امرناتھ جی کی سالانہ یاترہ گے دوران 4 لکھ 14 ہزار تیں زیادہ یاتریاں نے بابا برفانی گا درشن کیا ہیں جہیڑی بھارتی ثقافت کی اٹوٹ روایت تے عقیدت کی علامت ہے انہاں نے کہی وجے ہون تمام حفاظتی فوج شری امرناتھ شرائین بورڈ جموں کشمیر انتظامیہ تے رضا کار تنظیمان نانہ محفوظ تے اسان یاترہ نانہ یقینی بنان خاطر ان گا تعاون واسطے مبارک بعد پیش کروں انہاں نے کہی وجے اس یاترہ نانہ کامیاب بنان واسطے تہارو تعاون قابل ستائش تے منفرد ہے۔

DRUG AWARENESS CAMPAIGN

مرکزی وزیر داخلہ کی طرفوں جاری کردہ ہدایت گے مطابق منشیات ور قابو پان خاطر بیورو 15 تے 16 اگست تک ملک گھیر مانہ منشیات بارے بیداری مہم گو انعقاد یکرے گی۔

مجوزہ ملک گیر مہمگو مقصد شہریاں نانہہ منشیات کا استعمال کا بُرا اثرات کا بارہ مانہہ اگاہ کرنو تے منشیات تیں پاک بھارت واسطے حمایت نانہہ متحرک کرنو ہے مہم غے دوران بیداری گی سرگرمیاں کا سلسلہ بشمول انداد منشیات مہم تھیم ور ملک کا تعلیمی اداراں مانہہ انسانی زنجیر بنانو ورکشاپ سیمینار پوسٹر مضمون نعرہ لکھن کا مقابلہ ڈرامہ ٹکڈھ ناٹک سائیکل ریلی صحت مند رہن بارے مقابلہ تے ملک بھر مانہہ منشیات تیں پاک رہن بارے دوڑ گو اہتمام کیو جے گو۔

ITOO YOUTH

صحت تے طبی تعلیم بارے وزیر سکینہ اتو نے کہیو ہے کہ جموں کشمیر کا نوجواناں مانہہ مثبت تبدیلی لیاں گی صلاحیت ہے تے ایک ترقی یافتہ تے انصاف پسند متاثرہ کا قیام واسطے ان کی مدد غی ضرورت ہے یا ہ گل وزیر موصوف نے امرسنگھ کالج سرینگر مانہہ کلسٹر یونیورسٹی سرینگر کا زیر اہتمام وکست بھارت یووا کننٹ پروگرام کا اختتامی اجلاس نال خطاب کرتا واں کہی اپنا خطاب مانہہ اُنہاں نے کہیو کہ نوجوان نسل بکھ بکھ سماجی مسائل جس طرح منشیات کا استعمال صحت تے حفظان صحت کا حوالہ سنگ اگائی پیدا کرگے معاشرہ مانہہ مثبت تبدیلی لیا سکیں اُنہاں نے کہیو کہ ہم نانہہ نوجواناں کی صلاحیتاں نانہہ تلاش کرن تے ان تیں فائدہ چان گی ضرورت ہے کیونکہ وٹ قوم کی تعمیر واسطے محرک ہیں۔

RANA JAMBU ZOO

جنگلات ماحولیات کا ویزر جاوید احمد رانا نے کل جامبو چڑیا گھر کا کم کاج گو جائیزو لین تے اس کی توسیع منصوباں ور تبادلہ خیال کرن واسطے ایک میٹنگ کی صدارت کی جس گو مقصد ایک اہم سیاحتی مقام کا طور ور اس کی اپیل نانہہ بدلنو ہے جناب وزیر نے چڑیا گھر کی مکمل صلاحیت نانہہ کھولن تے زائرین کی تعداد مانہہ نمایاں اضافو کرن واسطے توجہ مرکوز کرن کی ضرورت ور زور پایو اُنہاں نے اس گل ور زور دتو کہ چڑیا گھر کی ترقی نانہہ عالمی معیار کی توجہ گو مرکز بنان کا خیال کی رہنمائی کی جانی چاہیے اُنہاں نے زور پایو جے جانوراں کی فلاح وبہبود نانہہ بنیادی طور ترجی دتی جے۔

ANNOUNCEMENT

علاقائی خبراں آلا شعبہ آکاشوانی جموں 14 اگست 2025 نانہہ ویبہاجن ویبہیسیکا سمرتی دیوس کا عنوان نال 25 منٹ غو ایک خصوصی پروگرام تہاڑی 12 بجے نشر کرے غو اس پروگرام مانہہ مارا مہمان وین غا معروف تاریخ دان ادیب تے سیاسی تجزیہ کار پروفیسر ہری اوم ان تیں علاوہ پی ٹی آئی بیورو چیف انیل بھٹ وی مزکورہ مضمون ور اپنا خیالات سانجا کریں غا اس پروگرام غی میزبانی کریں غا مارا اینکر جگموہن شرما سامعین یوہ پروگرام میڈیم ویو 303 میٹر یعنی 990 کلو ہٹر، ایف ایم 100.3 میگا ہٹر تے ایف ایم 104.5 میگا ہٹر ور سُن سکیں۔
